

Direktan transport robe iz EZ-a

PITANJE: Da li se smatra da je roba direktno transportovana iz EZ-a, ako je npr. krenula iz Francuske, zatim prevozna u Sloveniji bez carinskog nadzora? Robu prati EUR.1 iz Francuske.

ODGOVOR: Da, roba je pretovarena na području teritorije EU. U ovom slučaju nije bilo pretovara na teritoriji trećih zemalja.

Povlašteni tretman predviđen Privremenim sporazumom BiH - EZ primjenjuje se samo na proizvode koji zadovoljavaju uslove iz ovog protokola, koji su direktno transportirani između EZ i Bosne i Hercegovine. Međutim, proizvodi koji čine jednu pošiljku mogu biti transportirani preko drugih teritorija sa, ako do toga dođe, pretovarom ili privremenim uskladištenjem na tim teritorijama, pod uslovom da oni ostanu pod nadzorom carinskih vlasti u zemlji pretovara ili skladištenja i da se ne podvrgavaju drugim postupcima osim istovara, ponovnog utovara ili bilo kojeg postupka namijenjenog njihovom očuvanju u dobrom stanju. Proizvodi s porijeklom mogu se cjevovodima transportirati preko druge teritorije koja nije teritorija EZ ili BiH.

Ako dođe do pretovara ili privremenog skladištenja na teritorijama trećih zemalja, onda će se dokazi o tome da su ispunjeni „direktnog transporta“ ispunjeni pružit carinskim vlastima zemlje uvoznice predočavanjem:

- (a) jednog prijevoznog dokumenta koji obuhvata put od zemlje izvoznice kroz zemlju provoza; ili
- (b) potvrde izdane od carinskih vlasti zemlje provoza koja:
 - (i) sadrži tačan opis proizvoda;
 - (ii) navodi datume istovara i ponovnog utovara proizvoda i, gdje je to moguće, imena brodova ili drugih korištenih prijevoznih sredstava i
 - (iii) potvrđuje uslove pod kojima su proizvodi ostali u zemlji provoza; ili
- (c) u pomanjkanju pomenutih, sve druge uvjerljive dokumente. (N. J.)

Kako utvrditi odakle je roba transportovana?

PITANJE: Kako utvrditi da je roba direktno transportovana iz EZ-a, ako na samom CMR-u nema registarskih oznaka vozila? Koja dokumentacija je validna za zaključke o direktnom transportu?

ODGOVOR: Bilo koja dokumentacija koja je validna i za carinski postupak, a koja sadrži podatke o prevozniku ili prevoznom sredstvu, odnosno mjestu i datumu utovara (faktura, otpremnica, dokumentacija prevozničke firme, carinska obilježja, broj fakture na CMR-u, TIR karnet i sl.). (N. J.)